

आकाशवाणी

खास-खास खबरां:-

1. पच्छिम बंगाल च दुए गेड़ तैहत होए दे विधानसभा चुनां तैहत 92 इशारिया 4-7 फीसद मतदान होआ। आजादी दे मगरा अजें तगर दा सब्बनें थवां मता मतदान फीसद ऐ।
2. रेल मंत्री अश्विनी वैष्णव होर अज्ज जम्मू तवि रेलवे स्टेशन थमां विस्तारित “श्रीनगर-कटरा वंदे भारत एक्सप्रेस” रेल सेवा दी शुरुआत करडन।
3. 2026-27 आहले माली बरे तगर 51 ज्हार करोड़ दे निवेश कन्ने 62 ज्हार बेड़े च शामिल होडन।
4. अमरीका दे केन्द्रीय बैंक नै इक बारी फही ब्याज दरें च कोई बदलाव नैई कीता।
5. ते आई.पी.एल क्रिकेट च कल रातीं मुम्बई दे वानखेड़े स्टेडियम च खेड़्डे गेदे मैच च सनराइजर्स हैदराबाद नै मुम्बई इंडियन्स गी 6 विकेट कन्ने हराया।

<><><><><><>

WB-Polling

पच्छिम बंगाल च 2 गेड़े च होए दे विधानसभा चुनां दे 92 इशारिया 4-7 फीसद मतदान होआ ऐ। एह आजादी दे मगरा अजें तगर दा सब्बनें शा मता मतदान फीसद ऐ। दुए गेड़ च 91 इशारिया 6-6 फीसद मतदान होआ- जिसले कि 23 अप्रैल गी पैहले गेड़ तैहत होए दे मतदान च 93 इशारिया 1-9 फीसद मतदाताएं वोट पाने दे अपने अधिकार दा इस्तेमाल कीता हा। इन्नी बद्द गिनतरी च होए दे मतदान बारे बोलदे होई मुख चुनां अधिकारी ज्ञानेश कुमार होरें आखेआ जे आजादी मगरा पच्छिम बंगाल च इन्ना ज्यादा मतदान होआ ऐ। दुए गेड़ तैहत कल 142 सीटें पर मतदान होआ हा। पच्छिम बंगाल- केरल- तमिलनाडू- असम ते पुदुचेरी दे विधानसभे चुनां तैहत पाए गेदे वोटें दी गिनतरी 4 मई गी होग।

<><><><><><>

Exit Polls

ज्यादातर मतदान मगरा आहले सर्वेक्षण Exit Poll नै असम च भारतीय जनता पार्टी दे सत्ता च बने रौहने दी भविष्यवाणी कीती ऐ। केंई टी.वी. चैनलें ते निजी फर्म आसेआ

कीते गेदे Exit Poll राज्य च भारतीय जनता पार्टी दी जित दी सारत देआ रदे न। इनं पोल मूजब भाजपा दी अगुआई आहले गठबंधन गी लगभग 87 सोयां 100 सीटां थोहने दी संभावना ऐ- जिसले के कांग्रेस गी लगभग 26 सोयां 36 सीटां थोहने दा अनुमान ऐ। पच्छिम बंगाल च किश Exit Poll नै भाजपा दी जित दी भविष्यवाणी कीती ऐ- जिसले कि होरनें दुएं TMC दी जित दा अनुमान लाया ऐ। Exit Poll मूजब भाजपा गी लगभग 148 सोयां 160 सीटां थोहने दी संभावना ऐ- जिसले कि TMC गी 120 थमां 140 सीटां थोहने दी मेद ऐ। तोंआई केरल च Exit Poll मूजब कांग्रेस दे सत्ता च वापस औने दी संभावना ऐ। Exit Poll नै कांग्रेस गी अगुआई आहले UDF गी 75 थमां 90 सीटां थोहने दा अनुमान लाया ऐ- जिसले कि LDF गी 45 थवां 60 सीटां थोहने दी मेद ऐ। तमिलनाडू च ज्यादातर Exit Poll DMK दी अगुआई आहले गठबंधन दी साफ जित दस्सा रदे न। Exit Poll मूजब DMK गी लगभग 112 सोयां 140 सीटां थोहंगं- जिसले कि AIADMK गी 60 थमां 100 सीटां- पुदुचेरी च Exit Poll मूजब NDA गठबंधन गी 16 सोयां 20 सीटां थोहंगं- जिसले कि DMK-कांग्रेस गठबंधन गी 6 थवां 8 सीटां थोडन। विधानसभा चुनाएं आस्तै पाए गेदे वोटें दी गिनतरी 4 मई गी होग।

<><><><><><>

Vande Bharat

इक ऐतिहासिक उपलब्धि दे तैहत जम्मू-कश्मीर दे दौनें राजधानी आले शैहरें जम्मू ते श्रीनगर बश्कार पैहली-पैहली रेल अज्ज चलाई जा'रदी ऐ। “वंदे भारत एक्सप्रेस ट्रेन” अज्ज जम्मू रेलवे स्टेशन थमां श्रीनगर लेई रवाना होग। रेल मंत्री अश्विणी वैष्णव ते केन्द्री मंत्री डाक्टर जितेन्द्र सिंह हुनै शा किश चिरै मगरा इस ट्रेन गी झंडी दस्सियै रवाना करडन। सांसद जुगल किशोर शर्मा ते रेल मंत्रालय दे वरिष्ठ अधिकारी बी इस मौके पर उत्थे मजूद रौहंगं।

तोंआई इस रेल सेवा गी लेइयै आम लोकें अंदर बी बड़ी खुशी ऐ। लोकें मेद बुज्झी ऐ जे एह सेवा जातरा गी मता आरामदायक बनाने दे कन्नो-कन्नी खिते च सैलसफा गी बी बढ़ावा देग।

<><><><><><>

Amit Shah- Ladakh

गृहमंत्री अमित शाह होर अज्जै थवां 2 दिन दे लद्दाख दौरे पर रौहडन। इस दौरान ओह बुद्ध पूर्णिमा दे मौके पर कल्लै थवां शुरु होने आहली भगवान बुद्ध दे पवित्र अवशेषे दी पैहली अंतराष्ट्री प्रदर्शनी च हिस्सा लैडन। सोशल मीडिया पोस्ट च शाह होरें आखेआ जे दुनिया दे बक्ख-बक्ख हिस्सें थमां आए दे श्रद्धालु इस प्रदर्शनी च भगवान बुद्ध हुंदे अवशेषे दी पूजा करडन।

<><><><><><>

Karnatka Wall Collapse

कर्नाटक दी राजधानी बेंगलुरु च कल बाउरिंग एंड लेडी कर्जन अस्पताल कश इक चारदीवारी दे ढेई पौने करी 3 बच्चें सनें 7 लोकें दी मौत होई गई ऐ। एह घटना भारी बरखें- तेज हवाएं ते ऐन-गड़ा पौने करी पेश आई। कंद दे अचानक ढेई पौने करी उत्थे बैठे दे लोक मलबे हेठ दबोई गए। मुख्यमंत्री सिद्धारमैया होरें हादसे मगरा आहली थाहर दा दौरा कीता। राष्ट्रपति द्रौपदी मुर्मू ते उपराष्ट्रपति होरें इस घटना पर दुख ते बसोस जाहिर कीता ऐ।

<><><><><><>

Ind- New Vessels

पतन- पोत- परिवहन ते जलमार्ज मंत्री सर्बानंद सोनोवाल होरें आखेआ जे भारत 51 जहार करोड़ रपे थमां मते दे निवेश आस्तै माली बरे 2026-27 च 62 जहार बेड़े च शामिल करने दी दिशा च अगगे बदा रदा ऐ। नमीं दिल्ली च होर्मुज जल डमरु मध्य दे सरबंध्य च उच्च स्तरीय अंतर मंत्रालयी समीक्षा बैठक दी अध्यक्षता करदे होई सोनोवाल होरें बाहरी व्यवधानें खिलाफ लचीलापन यकीनी करने आस्तै भारत दी शिपिंग क्षमता दे फौरी विस्तार दा आहवान कीता। बैठक दौरान उनें 59 जहाजें दे अधिग्रहण आस्तै शिपिंग कारपोरेशन ऑफ इंडिया ते तेल सार्वजनिक उपक्रमें बश्कार सांझे उद्यम दी स्थिति दी समीक्षा कीती।

<><><><><><>

US Fed Res.Int Rate

अमरीका दे केन्द्रीय बैंक नै इक बारी फही ब्याज दरें च कोई बदलाव नैई कीता ऐ। एह फैसला लगातार जारी महंगाई ते बैंक दे अध्यक्ष पद सोया जेरोम पॉवेल दे लम्मे चिरे

थमां बलगे जा'रदे बदलाव बश्कार लैता गेआ। फेडरल ओपन मार्केट कमेटी नै ब्याज दर गी साइडे 3 सोयां पौने 4 फीसद बश्कार गै बनाई रक्खने दा फैसला लैता ऐ। बैंक नै आखेआ ऐ जे पच्छिम एशिया दे घटनाक्रम करी आर्थिक परिदृश्य काफी यक्को-तक्की आहला होई गेआ ऐ ते महंगाई बदी दी ऐ- जेदी इक वजह दुनिया भरै च ऊर्जा दी कीमतें दा बदना ऐ। इस दौरान जेरोम पॉवेल नै सारत दिती ऐ जे एह 15 मई गी फेडरल रिजर्व दे अध्यक्ष दा अपना कार्यकाल पूरा करने मगरा बोर्ड ऑफ गवर्नर्स च बने रौहडन। पॉवेल होरें आखेआ जे ओह फेडरल रिजर्व भवन गी परतिए नमें सिरेया सौआरने दे मामले दी निरपक्ख जांच गी बलगन।

<><><><><><>

US-Irean Tension

अमरीका ते ईरान बश्कार बददे तना दे चलदे अमरीका नै सारत कीती ऐ जे ईरानी बंदरगाह दी नाकाबंदी लम्में चिरे तगर जारी रेई सकदी ऐ। इस नाकेबंदी पर अमरीका अर्जे तगर 25 अरब डॉलर थमां मता खर्च करी चुके दा ऐ। राष्ट्रपति डोनाल्ड ट्रम्प होरें सोशल मीडिया पर ईरान गी सख्त चेतावनी दिंदे होई आखेआ जे ओह समझदारी कन्नै कम्म लै। अमरीका दा आखना ऐ जे ईरान दे परमाणु कार्यक्रम पर रोक दी शर्त पर गै युद्ध विराम होई सकदा ऐ। दुई भेठा ईरान नै कुसै बी दबाव च गल्लबात थमां इंकार करी दिता ऐ।

<><><><><><>

LG-Nasha Mukht

उपराज्यपाल मनोज सिन्हा होरें कल इक उच्ची सतह दी बैठक लाइयें प्रदेश दी सुरक्षा स्थिति ते नशा मुक्त जम्मू-कश्मीर अभियान तैहत हासल प्रगति दी समीक्षा कीती। बैठक दौरान डिप्टी कमीशनरें ते SSPएं अपने सरबन्धत जिलें दी कन्नू बवस्था ते सुरक्षा स्थिति बारे जानकारी दिती। एहदे इलावा उनें 100 दिनें दी अवधि आले नशा मुक्त जम्मू-कश्मीर अभियान तैहत हासल प्रगति ते अपने-अपने जिलें च होने आहली बक्ख-बक्ख धार्मिक जातराएं जिआं श्री अमरनाथ जी जातरा- श्री कौसर नागर जातरा ते श्री बुड्ढा अमरनाथ जी जातरा लेई कीती जा'रदी तयारियें बारे बी एल.जी होरें गी जानकारी दिती। सिन्हा होरें डिप्टी कमीशनरें ते SSPएं गी निर्देश दिता जे ओह नशे दी कबैतू खलाफ लड़ाई च नतीजाकुन कार्रवाईयां करन। उनें जम्मू खिते च नशे दी गैर-

कन्नी कारोबार आली थाहरें ते नैटवर्क दी शिनाख्त करियें उनें'गी तबाह करना बी जकीनी बनान।



Pre-Paid Meters

खजाना मैहकमे नै सब्बै प्रशासनिक मैहकमें लेई इक नमां सर्कुलर जारी करदे होई उनें'गी निर्देश दिता ऐ जे सरकारी दफ्तरें, सार्वजनिक क्षेत्रें उपक्रम, कारपोरेशनें ते सरकार आसेया चलाए जा रदे होरनें संस्थानें च प्रीपेड स्मार्ट बिजली मीटर लगाने दी प्रक्रिया च तेजी आनना। आकाशवाणी जम्मू दे संवाददाता नै खबर दिती ऐ जे सिविल सचिवालय दे बजट संभाग आसेया जारी सर्कुलर च आखेया गेदा ऐ जे बिजली दी नमें सिरेया बंड आली योजना तैहत बिजली बिलिंग दे पराने ते पारम्परिक सरिस्ते गी नमें प्रीपेड स्मार्ट मीटर आले मॉडल च तौले शा तौले तब्दील करने गी यकीनी बनाया जा। खजाना मंत्रालय नै सब्बै मैहकमें गी बिजली दे अपने पराने बकाया बिल जमा कराने आस्तै निर्देश जारी कीते।



IPL

IPL क्रिकेट च कल राती मुम्बई दे वानखेड़े स्टेडियम च खेड्ढे गे मैच च सनराइजर्स हैदराबाद नै मुम्बई इंडियन्स गी 6 विकट कन्ने हराई दिता। 244 रन्ज दे लक्ष्य दा पिच्छा करदे होई सनराइजर्स हैदराबाद नै 18 ओवर 2 गेंदे च 249 रन्ज बनाए। अज्ज नरेन्द्र मोदी स्टेडियम अहमदाबाद च रॉयल्स चैलेन्जर्स बेंगलूरु दा मुकाबला गुजरात टाईटन्स कन्ने होग। एह मैच संजा साइडे 7 बजे खेडेया जाहग।



Fare Hike-Public Transport

सरकार नै केन्द्री राज प्रबंधन आहले इलाके जम्मू-कश्मीर च बक्ख-बक्ख वर्ग दे कारोबारी ते यात्री गड़डियें दे कराएं च 18 फीसदी दा बाद्दा कीता ऐ ते इत सरबंथे च अधिसूचना बी जारी कीती ऐ। आकाशवाणी जम्मू दे संवाददाता नै खबर दिती ऐ जे ट्रांस्पोर्ट मैहकमे नै जम्मू दे ट्रांस्पोर्ट कमीशनर गी निर्देश दिता ऐ जे ओ बददे दे नमें कराएं गी तैह करै- जेहड़े Taxis-Maxi Cabs- Auto –रिक्खां ते मुसाफर बसें पर लागू होगन। सरकार नै इलैक्ट्रिक गड़डियें लेई बक्खरे तौरा पर कराए तय कीते न। हुकम मूजब ई-रिक्खा फी किलोमीटर दे स्हाबै 15 रपे कराया लेई सकदे न जदकि ई-ऑटो पैहले किलोमीटर लेई 25 रपे ते हर बाद्दू किलोमीटर लेई 20 रपे प्रति किलोमीटर दे स्हाबै कराया लैई सकदे न।



School Timing

स्कूल शिक्षा जम्मू दे निदेशालय नै जम्मू संभाग दे सोए आहले इलाकें च हायर सकेन्ड्री तोड़ी दे सब्बै सरकारी ते पंजीकृत निजी स्कूलें दी टाईमिंग गी नमें सिरेया तय कीता ऐ। आकाशवाणी जम्मू दे संवाददाता नै खबर दिती ऐ जे निदेशालय नै आखेआ-जारी इक हुकमै मूजब पैहली मई थमां सब्बै स्कूल बड्डलै 8 बजे थमां दपैहरी 2 बजे तोड़ी खुल्ले रौहगंन। एह समय-सीमा 30 सितम्बर 2026 तोड़ी लागू रौहगंन।

<><><><><><>